



Broj: 08-01-03/2-11-2-698-5/22

Dana: 20.04.2022. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj 13/18, 6/19, 22/19, 21/20 i 10/21), u vezi sa članom 69. stav (2) tačka e) i članom 70. st. (1), (4) i (6) Zakona o javnim nabavkama („Službeni glasnik BiH“, broj 39/14), ministar Ministarstva unutrašnjih poslova Zeničko-dobojskog kantona, d o n o s i:

ODLUKU **o poništenju postupka javne nabavke**

Član 1.

Poništava se postupak javne nabavke za "Sukcesivna nabavka kancelarijskog materijala", iz razloga što je cijena prihvatljive ponude znatno veća od osiguranih sredstava za predmetnu nabavku - član 69. stav (2) tačka e) Zakona o javnim nabavkama.

Član 2.

Za izvršenje ove Odluke zadužuje se i ovlašćuje Sektor za podršku.

Član 3.

Ova Odluka objavit će se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-698/22 od 07.03.2022. godine.

Javna nabavka provedena je putem otvorenog postupka nabavke koji se treba okončati zaključivanjem okvirnog sporazuma sa jednim dobavljačem i rokom trajanja od 2 (dvije) godine od dana stupanja okvirnog sporazuma na snagu.

Procijenjena vrijednost nabavke iznosila je 140.000,00 KM bez PDV-a.

Obavještenje o nabavci broj: 488-1-1-14-3-34/22 poslano je na objavu dana 16.03.2022. godine u 12,23 sati.

Sažetak obavještenja o nabavci broj: 488-1-1-14-3-34/22 objavljen je dana 25.03.2022. godine u "Službenom glasniku BiH", broj 16.

Komisija za javnu nabavku imenovana je Odlukom broj: 08-01-03/2-11-2-698-1/22 od 16.03.2022. godine.

Komisija za javnu nabavku sačinila je Zapisnik o prijemu ponuda i Zapisnik sa otvaranja ponuda broj: 08-01-03/2-11-2-698-3/22 od 06.04.2022. godine, te Zapisnik o pregledu i ocjeni ponuda broj: 08-01-03/2-11-2-698-4/22 od 07.04.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće: da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to ponuđači: "AERO-EXCLUSIVE" d.o.o. Sarajevo i "PLAN PLUS" d.o.o. Zenica.

Uvidom i daljnim pregledom dostavljenih ponuda Komisija je konstatovala da ponuđač "AERO-



EXCLUSIVE" d.o.o. Sarajevo nije kvalifikovan iz razloga što je ponudu potpisalo lice koje je zastupnik ponuđača van ovlaštenja datog u punomoći/ovlaštenju ponuđača od 05.04.2022. godine. Naime, iz ponude - Aneks I na mjestu potpisa ovlaštene osobe je potpis "Karup". Istim potpisom/parafom ovjeren je i Aneks II, Aneks III, Aneks IV i Aneks V, kao i sve stranice ponude. Iz punomoći/ovlaštenja od 05.04.2022. godine, koja se nalazi u ponudi, se vidi da je uposlenica Selma Karup ovlaštena "da može u ime firme "AERO-EXCLUSIVE" d.o.o. Sarajevo potpisivati tenderske ponude i svu prateću dokumentaciju vezano za tenderske ponude do iznosa od 300.000,00 KM", a cijena ponude ovog ponuđača bez PDV-a iznosi 308.525,60 KM, odnosno cijena sa PDV-om je 360.974,95 KM. S tim u vezi je ustanovljeno da je ponudu potpisalo lice koje nema ovlaštenje za zastupanje u vrijednosti na koju ponuda glasi, a što je u vezi sa tačkom 14. i tačkom 27. Tenderske dokumentacije te Aneksima I, II, III, IV i V Tenderske dokumentacije.

Komisija je utvrdila da ponuda ponuđača "PLAN PLUS" d.o.o. Zenica ispunjava sve zahtjeve u pogledu opisa predmeta nabavke i tehničkih specifikacija.

Nadalje, u dostavljenom Zapisniku Komisija predlaže Ministru Ministarstva unutrašnjih poslova Zeničko-dobojskog kantona da se za javnu nabavku pod nazivom: Sukcesivna nabavka kancelarijskog materijala razmotri mogućnost zaključivanja okvirnog sporazuma sa ponuđačem PLAN PLUS DOO ZENICA, ovisno od raspoloživih sredstava u budžetu, a imajući u vidu da je ponuda ovog ponuđača za 87.716,26 KM bez PDV-a (62,7%) veća od procijenjene vrijednosti nabavke ili da se postupak poništi zbog znatno veće vrijednosti ponude od osiguranih sredstava za predmetnu javnu nabavku.

Navedena ponuda je ocijenjena saglasno kriterijima utvrđenim u Tenderskoj dokumentaciji, a predviđena e-aukcija se nije održala obzirom da je jedan kvalifikovani ponuđač.

Slijedom navedenog, ugovorni organ ističe da je Planom nabavki Ministarstva unutrašnjih poslova Zeničko-dobojskog kantona za 2022. godinu, pod rednim brojem 11. planiran predmetni postupak za koji su predviđena, planirana i osigurana sredstva u iznosu 140.000,00 KM bez PDV-a. Nadalje, član 2. Odluke o pokretanju postupka javne nabavke određuje da procijenjena vrijednost nabavke na dvogodišnjem nivou iznosi 140.000,00 KM bez PDV-a. Dakle, kako je cijena ponude ponuđača "PLAN PLUS" d.o.o. Zenica za 87.716,26 KM bez PDV-a (62,7%) veća od procijenjene vrijednosti nabavke, a kako u budžetu nema dodatno raspoloživih sredstava, ista za ugovorni organ nije prihvatljiva.

Iz navedenog razloga, a u skladu s članom 69. stav (2) tačka e) Zakona o javnim nabavkama BiH („Službeni glasnik BiH“, broj 39/14), odlučeno je kao u dispozitivu.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju postupka javne nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi, direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

